

明

會

要

明會要卷七十一

永新龍文彬纂

方域一

國都

初甯海布衣葉兌上書言天下大計略言金陵古稱龍蟠
虎踞帝王之都宜建都於此守淮以爲藩屏守江以爲門
戶如高祖之關中光武之河內以此爲基藉其兵力資財
以攻則克以守則固

葉兌傳

太祖詢馮國用天下大計對曰金陵龍蟠虎踞帝王之都
先拔之以爲根本

馮勝傳

洪武元年初帝幸汴梁將營都而未果既克元都遂下詔
曰朕觀中原土壤四方朝貢道里適均然立國之規模固
重而興王之根本不輕其以應天爲南京開封爲北京朕
於春秋往來巡狩

三編

初太祖將營中都劉基曰鳳陽雖帝鄉非建都地也

劉基傳

二年帝召諸老臣問建都事或言關中險固或言洛陽天
下中汴梁爲宋舊京或又言北平故元宮室就之可省民
力帝曰所言皆善惟時有不同耳長安洛陽汴梁實周漢
唐宋故都但平定之初民未甦息若建都於彼供給力役
悉資江南重勞其民若就北平宮室亦不無更作建業長

江天塹龍蟠虎踞足以建國臨濠前江後淮有險可恃有水可漕朕欲建爲中都何如皆曰善十月以臨濠爲中都營城郭宮殿如京師制三編時都御史胡子祺上言天下形勝地可都者四河東地勢高控制西北堯嘗都之然其地苦寒汴梁襟帶河淮宋嘗都之然其地平曠無險可憑洛陽周公卜之周漢遷之然嵩邱非有殺函終南之阻瀍澗伊洛非有涇渭灞產之雄夫據百二河山之勝可以聳諸侯之望舉天下莫關中若也帝稱善至二十四年欲徙都關中命皇太子巡撫陝西太子還獻陝西地圖上言經略

建都事明年薨遂罷

興宗傳

永樂十四年命文武羣臣集議建都之宜乃上疏曰北京
乃聖上龍興之地北枕居庸西峙太行東連山海南俯中
原沃壤千里山川形勝足以控四夷制天下誠帝王萬世
之都也宜敕所司營建從之

三編

殿

吳元年作新內三殿曰奉天華蓋謹身洪武八年改建制
度如舊規模益宏永樂十八年建北京宮殿規制仍如南

京

皇極殿

即奉天殿皇帝受朝賀之所嘉靖四十一年更

中極殿

即華蓋殿在皇極殿後嘉靖四十一年更

建極殿

即諱身殿在中極殿
後嘉靖四十年更

文華殿

在左順門外東
宮視事之所
在右順門外皇

昭仁殿

即東暖殿先名宏德
萬曆十一年四月更

宏德殿

即西暖殿先名肅繼
萬曆十一年四月更

端凝殿

乾清宮左

懋勤殿

乾清宮右

省躬殿

在乾清坤甬之
間建文元年建

南薰殿

武英殿之東凡遇徵號册封
大典篆寫金册金寶在此

交泰殿

乾清宮之北
皇后所居

端敬殿

文華殿後

柔儀殿

解縉傳成祖命縉等七人命婦朝后於柔儀殿

玉德殿

五行志嘉靖四年三月壬午玉德安喜景福諸殿俱燼按實錄是年十月丁亥作玉德殿安喜景福

二宮是安喜景福皆宮名證之趙璜傳亦合而五行志誤作殿名

仁壽殿

天啟壬午奉遷懿安皇后於此

欽安殿

坤甯宮後

元輝殿

關雎右門之西

奉先殿

慈慶宮後

壽皇殿

以下四殿俱在萬歲山

永壽殿

觀花殿

殿植牡丹芍藥甚多

觀德殿

北安門內習射處嘉靖三年建

奉慈殿

以下三殿日精門之東

宏孝殿

原名景雲殿隆慶元年更

神霄殿

原名崇先殿

怡神殿

以下四殿東長街

聖哲殿

鍾粹宮後殿

一號殿

光宗時楊漣倡議移宮李選侍乃移一號殿內曠鴛宮

德政殿

中左門之左小廂房熊開元傳崇禎十三年帝御德政殿

養心殿

以下二殿月華門之西

無梁殿

世宗煉丹藥之所

隆德殿

以下四殿西長街

春仁殿

秋義殿

英華殿

重華殿

以下十二殿屬南城在大內東南英宗北狩還居之

洪慶殿

觀心殿

翔鳳殿

英皇居南城翔鳳等殿石闌干景帝方建隆福寺內官悉取去

崇德殿

卽回龍觀

含和殿

龍德殿

以下英宗復辟後增置

崇仁殿

廣智殿

乾運殿

秀巖山北

永明殿

乾運殿後

環碧殿

永明殿後

後殿

以下三十八殿屬西苑

涼殿

暖殿

已上三殿在西宮奉天殿北永樂十五年建

廣寒殿

清暑殿

已上二殿在萬歲山宣德八年四月修葺以藏經籍按此西苑萬歲山乃金元之舊若明以煤山爲

萬歲

在北元武門外自萬厯間揭萬歲門於後苑紀事者往往混二爲一誤也

仁智殿

以下三殿在萬歲山之半

延和殿

左

介福殿

右

仁壽殿

崇智殿

椒園中

無逸殿

嘉靖九年建

承光殿

太液池東嘉靖三十一更乾光殿

凝和殿

以下三殿天順四年建

太素殿

正德十年修嘉靖四十年更壽原殿

迎翠殿

即承華殿嘉靖十三年更

昭和殿

已上四殿見李賢遊西苑記

樂成殿

明德殿

崇禎十五年召閣部諸臣入對明德殿

凝一殿

承祐殿

祐祥殿

祐甯殿

紫極殿

清福殿

大道殿

大光明殿

太始殿

太初殿

顯陽殿

景德殿

大高元殿

元禧殿

清馥殿

騰禧殿 己上四殿在
金海橋之北

嘉樂殿 卽乾佑閣天
啟時更造

乾德殿 萬曆二十九年更爲乾德閣

嘉豫殿

清虛殿

宮

乾清宮 在三殿之
後爲正寢

坤甯宮 在乾清宮後
中宮所居

清甯宮 在乾清
宮西

仁壽宮

在乾清宮東已上

重華宮

東上南門之東
規制如乾清宮

慈慶宮

嘉靖十五年即清甯宮後地更建光宗青宮時所
居崇禎十五年改端本宮以下五宮在麟趾門內

奉宸宮

勸勤宮

承華宮

昭儉宮

嘒鸞宮

啣鳳宮

已上二宮在仁壽宮
內宮妃養老之處

延禧宮

以下六宮日
精門東路

承乾宮

原名永甯東宮
貴妃所居

永和宮

原名永安

鍾粹宮

原名咸陽皇太子所居

景陽宮

原名長楊孝靖皇后曾居之

景仁宮

原名長甯

祥甯宮

以下九宮月華門西路

慈甯宮

嘉靖十五年即大善殿更建以奉皇太后

毓德宮

原名安樂

啟祥宮

原名未央
獻皇發祥處
十四年五月更

咸安宮

原名咸熙

翊坤宮

原名萬安西宮貴妃所居

長春宮

儲秀宮

原名壽昌

咸福宮

原名壽安

崇質宮

俗云黑瓦廠景泰年間英宗居此所謂南城也以下十宮皆在南城

延福宮

嘉福宮

甯福宮

明德宮

永春宮

永甯宮

宜春宮

延喜宮

延春宮

萬壽宮 在西苑文皇舊宮世宗初名永壽宮自二十一年徙居此至四十年永壽宮災明年更建命曰萬壽

宮以下十一宮皆在西宮

壽源宮 西宮後寢

萬春宮

萬和宮

萬華宮

萬甯宮

仙禧宮

更千秋宮

仙樂宮

更千樂宮

仙安宮

更千景宮

仙明宮

更千安宮已上入宮皆嘉靖四十二年九月更

玉熙宮

金海橋之北嘉靖四十年永壽宮災暫御玉熙宮

樓閣

文淵閣

在文華殿前諸學士議政之所

東閣

文昭閣

即文樓在皇極殿丹雘東嘉靖四十一年七月改

武成閣

卽武樓在皇極殿丹墀西嘉靖四十年七月改

隆道閣

月華門之西原名道心閣隆慶四年二月更

英明閣

隆慶四年建

五鳳樓

卽午門樓

翔鳳樓

見石亭傳

暖閣

乾清宮王錫爵傳萬厯二十一年十一月獨召錫爵暖閣

宏文閣

洪熙元年正月建宏文閣於思善門

清望閣

坤甯宮後

萬福閣

以下五閣在萬歲山

興隆閣

永康閣

延甯閣

興慶閣

萬曆四十一
年更玩春樓

清和閣

以下二閣
在南城

湧福閣

原名激輝萬
曆三十年更

紫光閣

以下四閣
在西苑

乾佑閣

大液池北

天元閣

大光明殿後

昭祥閣

原名福臻閣嘉靖
四十四年二月更

圓明閣

大高元殿之西

館

曲池館

坤甯宮後

玉食館

文華殿後

隆禧館

養心殿後

臻祥館

養心殿後

左毓秀館

以下四館在萬歲山

右毓秀館

嘉禾館

景明館

嘉樂館

以下六館在南城

昭融館

桂香館

秋香館

浮金館

翠玉館

保和館

以下入館
在西苑

念善館

仙輝館

仙朗館

鳳祥館

原名鳳祺嘉靖
四十四年更

集瑞館

在椒園右

迎祥館

在椒園左

朝元館

齋

養德齋

乾清宮後齋西

貞德齋

坤甯宮東露頂原名安德齋

游藝齋

坤甯宮北迴廊

樂志齋

坤甯宮後

九五齋

文華殿後

無逸齋

中正殿右

履仁齋

養心殿東

貞順齋

承乾宮東

始陽齋

以下七齋在西苑

正心齋

持敬齋

已上二齋太素殿旁

壽祺齋

玉熙宮東

祿祺齋

玉熙宮西

龍吉齋

紫光閣之西

清一齋

在洪應殿

室

居

忠義室

隆道閣之東

恭默室

以下二室文華殿側

臨保室

涵春室

養心殿後

聚仙室

壽皇殿後

集仙室

以下二室在萬歲山

壽安室

清暇居

坤甯宮東披簷

省愆居

文華殿西北

壽安居

即西御膳房萬曆二十二年十月更

鳳和居以下四居
在西苑

鸞鳴居

壽聖居

朗瑞居紫光閣
之西

堂

大本堂洪武元年十一
月建見三年編

臻祿堂在壽皇
殿後

明德堂承乾
宮西

安樂堂在虎城成化間
紀皇后居此

馭仙堂以下五堂在
西苑北牆口

靈安堂

精馨堂

演妙堂

輔國堂

軒

有容軒

中正殿東

養正軒

坤甯宮西露頂

思正軒

乾清宮後簷東

養德軒

乾清宮後簷西

對育軒

坤甯宮後嘉靖十四年五月更玉芳軒

遠趣軒

太素殿後天順四年建後更神應軒

一德軒

養心殿西

臺觀榭

雲臺

建極殿後亦名平臺

北臺

靈臺

西上南門之南

回龍觀

東安橋北觀內多海棠每至春深盛開

南臺

卽瀛臺舊一名趵臺以下在西苑

圓臺

旋波臺

嘉靖二十八年三月更仙臺

旋磨臺

卽兔兒山

曲流觀

清虛殿前

水雲榭

在臨漪亭前

亭

天光亭

以下五亭在南城

雲影亭

二亭在飛虹橋之東西

凌雲亭

御風亭

二亭在乾運殿左右

玩芳亭

崇智殿西

涵碧亭

東安橋北

日會亭卷十一
三
方壺亭

以下三十五亭俱在西苑

瀛洲亭

玉虹亭

金露亭

已上四亭在廣寒殿左右

擁翠亭

以下二亭在太液池東

飛香亭

後更元潤亭

映輝亭

微波亭

龍澤亭

舊名會景亭嘉靖二十二年更萬厯三十年又更龍湫亭

滋香亭

徵祥亭

湧瑞亭

浮翠亭

已上五亭總謂之五龍亭

秋輝亭

嘉靖二十二年四月更騰波亭三十五年五月更滋祥亭萬曆三十年七月更香津亭

錦芳亭

翠芬亭

宣恩亭

嚮祉亭

一陽亭

萬仙亭

已上四亭在大光明殿

關風亭

省耕亭

省斂亭

飛靄亭

亭

嘉靖二十三年卽激碧亭更飛藹亭三十年又更
湧福亭萬厯三十年更騰波亭卽溥惠亭更飛藹

浮香亭

嘉靖三十年
更芙蓉亭

寶月亭

激淵亭

臨漪亭

左臨海亭

右臨海亭

二亭在西苑門外

湧玉亭

北橋口

聚景亭

儀金亭

呂梁之前

擷秀亭

坊

金龍

玉竦

已上二坊在金水橋

福巒

迎仙亭南

祿渚

迎仙亭北

聖本肇初

啟祥宮北

元德永衍

啟祥宮南

福渚

壽岳

已上二坊
太素殿後

戴鼈

以下二坊在南城
飛虹橋之南北

飛虹

明會要卷七十一終

明會要卷七十二

永新龍文彬

方域二

諸門城門附

皇極門

即奉天門嘉靖三十七年改大朝門四十年七月改皇極門

宏政門

即東角門

宣治門

即西角門

會極門

即左順門凡京官上下接本俱在此南入爲輔臣票本處也

歸極門

即右順門已上嘉靖四十年七月更

乾清門

坤甯門

中左門

皇極殿左

中右門

皇極殿右

後左門

建極殿後之東亦曰平臺凡召對閣臣等官或於平臺卽後左門也

後右門

建極殿後之西

永祥門

坤甯宮左

增瑞門

坤甯宮右

關雎左門

麟趾門之東後改麟祥

關雎右門

麟趾門之西後改燕翼

寶善門

麟趾門再北朝南

慈甯門

崇本門

文華殿西

思善門

仁智殿東南仁宗卽位
嘗坐思善門選東宮官

廣運門

坤甯宮
中門

景和門

宮後
之左

隆福門

宮後
之右

端則門

宮再北
之左

基化門

宮再北
之右

景運門

建極殿
後又東

隆宗門

建極殿
後又西

日精門

乾清宮左以下十
二門皆東長街

龍光門

乾清宮
左小門

崇仁門

先名
迎祥

順德左門

先名
景和

咸和左門

先名
百福

麟趾門

南首先
名壽春

千嬰門

北首先
名慶安

嘉德左門

即嘉
德門

廣和左門

先名
千祥

大成左門

先名
長慶

長甯左門

卽長甯門

瓊苑東門

一名嘉福

月華門

乾清宮右以下十門皆西長街

鳳彩門

乾清宮右小門

遵義門

卽膳廚門更

順德右門

先名隆福

咸和右門

先名廣安

螽斯門

南首

百子門

北首

嘉德右門

先名景福

廣和右門

先名廣生

大成右門

即大成門

長甯右門

先名麗景

瓊苑西門

一名隆德

丹鳳門

龍德殿南以下十二門皆在南城

蒼龍門

龍德殿東天順己卯建

重華門

以下十門南城中路

永聚門

昭祥門

端拱門

昭德門

廣定門

咸熙門

肅雍門

康和門

麗春門

廣順門

以下五門南
城東長街

中和門

景華門

景明門

宣明門

興善門

以下五門南城西長街

麗景門

長春門

清華門

高明門

萬壽門

以下二十二門在西苑

朗祿門

萬壽宮右

曦福門

萬壽宮左

含祥門

成瑞門

永康門

永順門

永綏門

永祉門

永和門

迎祉門

納康門

衍慶門

常甯門

常和門

常善門

常輝門

已上四門西苑西長街

金甯門

卽授衣門嘉靖三十七年二月更

攸順門

攸利門

金靜門

金瑞門

已上四門西苑東長街自宮殿至此据明史三編大政記野獲編夢餘錄涿化類編日下舊聞宮史

酌中志諸書

闕左右門

端門內東曰闕左門西曰闕右門按李時勉傳王指揮出端西旁門而前校尉已縛時勉從端

東旁門入關左右門
卽端東西旁門也

皇城內宮城外十二門

東上門東上北門東上南門東中門西上門西上北門西上南門西

中門北上門北東門北上西門北中門

紫禁城八門

曰承天門曰端門曰午門卽俗所謂五鳳樓也東曰左掖門西曰右掖門再東曰東華門

再西曰西華門北曰元武門

皇城外六門

曰大明門曰長安左門曰長安右門曰東安門曰西安門曰北安門俗呼厚載門仍元舊

也

京城九門

曰宣武北之東曰安定北之西曰德勝東之北曰東直東之南曰朝陽西之

北曰西直西之南曰阜城

城外七門

嘉靖三十二年築正南曰永定南之左曰左安南之右曰右安東曰廣渠東之北曰東便西曰

廣甯西之
北曰西便

宮殿雜錄

吳元年九月癸卯新內成命博士熊鼎編古人行事可爲
鑑戒者書於壁間又命侍臣書大學衍義於兩廡壁間帝
曰前代宮室多施繪畫予用此以備朝夕觀覽豈不愈於
丹青乎時有言瑞州文石可發地者帝曰敦崇儉樸猶恐
習於奢華爾乃導予侈麗乎言者慚而退

通紀

洪武元年十二月己巳上退朝還宮太子諸王侍上指宮
中隙地謂之曰此非不可起亭臺館榭爲游觀之所誠不
忍重傷民力耳昔商紂瓊宮瑤室天下怨之漢文帝欲作

露臺惜百金之費當時國富民安猶不欲耗中人之產以爲一身之娛爾等宜以爲法鑒

大訓記

二年九月以臨濠爲中都營城郭宮殿如京師制八年四月以勞費罷其役

三編

八年改建大內宮殿諭廷臣曰唐虞之時宮室樸素後世窮極侈麗去古遠矣朕今所作不事華飾惟樸素堅固可傳承久使吾子孫守以爲法至於臺榭苑囿之作勞民費財朕決不爲敕所司知之

大訓記

建文元年十二月省躬殿成殿在乾清坤甯二宮間爲退朝燕息之所置古書聖訓其中諭以尚父丹書之旨夏書

聲色宮室之戒命學士方孝孺爲之銘

昭代
典則

二年八月癸巳承天門災詔求直言從方孝孺議改謹身殿爲正心殿午門爲端門端門爲應門承天門爲臯門前門爲路門

永樂四年閏七月壬戌營北京宮殿分遣大臣宋禮等詣川湖各省採木命秦甯侯陳珪等董治領甌徵天下工匠選在京諸衛及河南山東等處軍民赴北京供役期以明年五月興工

宣德八年七月揭幽風圖於殿壁

正統五年三月戊申建北京宮殿初永樂中宮闕未備奉

天華蓋謹身三殿成而復災以奉天門爲正朝至是重建
三殿並修繕乾清坤甯二宮役工匠官軍七萬餘人已上編

天順六年二月丙戌建東安東上二門

大政記

宏治十一年十月甲戌清甯宮災時太監李廣以符籙禱
祀獲寵任勸帝建毓秀亭於萬歲山亭成幼公主殤宮復
災日者謂建亭犯歲忌太后恚曰今日李廣明日李廣果
然災及矣廣懼飲藥死

正德二年八月丙戌作豹房帝爲羣閣壘惑乃於西華門
別構院築宮殿而造密室於兩廂句連櫺列謂之豹房
九年正月庚辰乾清宮災十二月甲寅工部奏營建宮室

庀材鳩工計直白金百萬兩請均賦於民歲徵十之二恐徵輸不及暫於內帑借其半以給用帝終不欲假用內帑乃於一歲中請徵之於是催科旁午海內騷然矣已上三編

嘉靖四年三月壬午夜仁壽宮災昭聖皇太后所居也八月戊子工部會議修仁壽宮會世廟大工方興四川湖廣貴州山林空竭所在災傷請發內帑銀兩及戶部鈔關兵部馬價工部料價各銀兩以佐工費上不許先是御史葉忠以災變陳十事其一言修造仁壽宮宜稍損舊制以紓財力上頗然之仍勅四川巡撫王軌督採大木丁未上以歲災民困欲暫停仁壽宮工役大學士費宏言昭聖皇太

后从處仁智殿意或未安請以漸修復庶足彰陛下之孝
上曰皇伯母孝奉不可缺小民亦當愛念自是仁壽宮之
建遂不果

十月丁亥作玉德殿景福安喜二宮工部尙書趙璜等以
歲饑財匱請暫停俟仁壽宮完徐議營建不許乙未璜等
復請停玉德殿等工費宏亦以爲言乃罷之遂并罷仁壽
宮召王軌還京

十六年五月戊戌雷震謹身殿鴟吻上問廷臣修省之宜
禮部言謹身殿卽古路寢天子肅容之所也上天示戒宜
求刑政之所以失者而改之報聞仍詔修省如例

已上
實錄

十九年三月戊戌詔修西苑仁壽宮

大政記

三十六年四月丙申奉天華蓋謹身三殿災初帝以殿名奉天非題扁所宜敕禮部議之部臣會議言肇造之初名曰奉天者昭揭以示虔爾然臨御之際坐而視朝亦似未安於是重建奉天門成更名曰大朝門四十一年九月壬午朔三殿成更名奉天殿曰皇極華蓋殿曰中極謹身殿曰建極文樓曰文昭閣武樓曰武成閣左順門曰會極右順門曰歸極大朝門曰皇極東角門曰宏政西角門曰宣治又改乾清宮右小閣曰道心旁左門曰仁蕩右門曰義

平實錄

四十年十一月辛亥永壽宮災宮在西苑成祖舊宮也上自二十一年宮婢之變卽徙居此是夜火作禁衛不及救乘輿服御及先世寶物盡燬上乃暫御玉熙宮編三十二月丁巳工部尙書雷禮言玉熙宮殿湫隘且地曠近水非可久御請及時營繕永壽宮先是公卿大臣欲請上還大內巖嵩復以徙居南城爲言上皆不悅大學士徐階因請以三殿大工之餘材趣治永壽宮故工部希指奏之明年三月宮成上卽日徙居之命曰萬壽宮

實錄

隆慶初王世貞上疏請正殿名以尊治體言太祖名大朝門曰奉天門殿曰奉天殿以至詔赦誥敕俱以奉天冠之

明人主不敢以一人肆於民上無往非奉天也義至精博願詔門殿仍奉天故號昭象魏之重不報

春明夢餘錄

萬曆七年四月張居正上繼肅殿箴其詞曰北辰紫宮惟皇宅中身爲民表心與天通斯須不和則乖戾起斯須不敬則傲慢叢念常生於所忽禍乃積於無窮是以聖人事心天命是敕欽厥止日謹萬幾處深宮心周八極不以嗜慾汨利不以逸豫滅德無作好無作惡藹藹熙熙如春斯煦無荒色無荒禽兢兢惕惕如淵斯臨勿謂燕閒人莫予觀一喜一怒作人燠寒絃急者絕氣平者安優優和衷爲君實難勿謂密宥人莫予弼一動一言恆爲度律危懼則

存驕泰則失昭昭神明尙在爾室在昔成周宇內太和由
雖雖其在宮發琴瑟而不頗亦曰懿恭小民懷保由肅肅
其在廟克對揚於祖考我皇濬哲是謂知臨匪高明之不
足實育德於靜深我皇撫運是謂開泰匪豐亨之未臻懼
此心之或汰樂以平其情雖鐘簋不設而若聞希聲然後
心和氣和而天下平禮以飭其志雖升降未施而若持重
器斯謂無逸乃逸而天下治故曰冲和者養威澹泊者養
祿危懼者養安憂勞者養樂以古爲師於何不儀平平周
道惟皇所之以心爲鑑於何不見穆穆文王惟皇所憲朽
索在手勿謂無傷覆車在睫奈何弗防和不見流敬不可

忘慎終如始萬壽無疆

二十五年六月戊寅火起歸極門延至皇極中極建極三殿文昭武成二閣周圍廊房一時俱燼時帝銳意聚財多假殿工爲名言者謂天以民困之故災三殿以示儆奈何復因天災以困民帝不納屢徵木於川廣令輸京師費數百萬卒被中官冒沒終帝世三殿實未嘗復建也

已上三編

親王府

洪武三年七月詔建諸王府

昭代典則

四年正月定親王宮殿制度

大政記

七年定親王所居前殿名承運中曰圓殿後曰存心四城

門南曰端禮北曰廣智東曰體仁西曰遵義

輿服志

九年正月丙寅命中書省臣作親王宮室務從儉樸省臣奏親王宮飾硃紅室飾大青綠上曰惟儉養德惟侈蕩心獨不見茅茨卑宮堯禹以興阿房西苑秦隋以亡諸子年方及冠去朕左右豈可靡麗蕩心

昭代典則

二十四年岷王棟封國岷州二十八年以雲南新附宜親王鎮撫改雲南有司請營宮殿帝令暫居櫻亭俟民力稍紓後作

岷王傳

二十八年四月辛未詔停造遼王宮室勅武定侯郭英曰遼東軍務物情來者多言其艱苦邊境營繕不宜盡力以

困之今暫宜停止造作十年之後再爲之古人有言人勞

乃易亂之源深可念也

昭代典則

三十年諭工部臣曰諸王在國宮室各有定制宜守禮安分不許私有興作擾民若有應須造作而不可已者必奏

請方許

同上

宏治時營造諸王府踰永樂宣德之舊禮部尚書倪岳請

頒成式

倪岳傳

秀王見澍就藩汝甯王居隘左右請遷文廟廣之見澍不

聽曰居近學宮時聞絃誦聲顧不美乎

本傳

宏治五年湖廣按察使林俊上疏言德安安陸建王府及

增修吉府工役浩繁財費鉅萬民不堪命乞循甯襄德府故事一切省儉勿用琉璃瓦及白石雕闌請著爲例不從

林俊傳

八年尙書馬文升奏洪武年間封建諸王惟秦晉等十府規模宏壯將以懾服人心藉固藩籬其餘諸王府俱各差減蓋恐費民財而勞民力也宣德以後各王府稍加宏麗而北方府州城闊民稀拆毀軍民房屋不致太多今江南府分多有城小人稠聞修造各王府必照北方王府周圍牆垣丈尺及起蓋軍校營房有將軍民房屋拆毀十之二三者甚有拆毀四五者斬山平地多傷風水軍民蕩析苦

日知錄卷一二二
三
無所歸乞敕工部轉行湖廣江西諸省修葺各王府官員如係地狹人密之處周圍牆垣不必比照北方王府規式徒使府內空地太多以後起蓋離宮別殿致滋事端有違

祖訓

明臣奏議

十八年江西巡撫林俊奏竊見甯殿下累乞琉璃瓦重荷聖諭於引錢內支二萬兩給換鎮巡議奏欲俟年豐定奪工部覆奏謂規制雖相應事體實可止又恐重累地方作例各府皆明言不當與也臣嘗見楚府殿燬久未葺荆府多敝漏淮府同一江西頽垣朽柱脫落大半惟甯府完美堅緻金碧輝煌且移封之初不用琉璃今歷百年傳數世

一旦遽改孝子慈孫所以順祖考者義不當如是伏望聖

明篤懿親斷大義毋涉吳王几杖之賜叔段京鄙之求疏

入帝不納

明臣奏議系之宏治五年按明史本傳五年後

江西諫甯王用琉璃瓦尋以母憂歸證之昭代典則

此疏書於宏治十八年憂去之先與明史合今從之

嘉靖時胡松爲工部尙書伊王典樸欲拓其洛陽府第計

直十萬金以十二賂嚴嵩期必得松據祖制爭乃止

胡松傳

伊王又以府牆壞請更築乃奪取民舍以廣其宮郎中陳

大壯與邸鄰索其居不與使數十人從大壯臥起奪其飲

食竟至餓死所爲宮崇臺連城擬帝闕

伊王傳

萬曆二十九年六月新築大內乾德殿御史林道相董其

工明年四月道枅上言三殿兩宮高不過十二丈今臺高八丈一尺加以殿宇又復數丈其勢反出宮殿之上禁中豈宜有此不報實錄

百官第宅

明初禁官民房屋不許雕刻古帝后聖賢人物及日月龍鳳獅子麒麟犀象之形官員任滿致仕與見任同其父祖有官身沒子孫許居父祖房舍會典

太祖嘗言徐兄功大未有甯居可賜以舊邸舊邸者太祖爲吳王時所居也達固辭帝命有司卽舊邸前治甲第表

其坊曰大功

徐達傳

洪武二十六年定官員營造房屋不許歇山轉角重簷重
拱及繪藻井惟樓居重簷不禁又詔品官房舍門牖不得
用丹漆庶民廬舍不過三間五架不許用斗拱飾彩色會典
宣德二年保定伯梁銘奏求韓觀南京故宅帝許之既聞
觀妻居其中曰觀功臣也雖沒豈可奪之遂不許令有司
以他宅賜銘韓觀傳

天順初帝命所司爲石亨營第宅既成壯麗踰制帝登翔
鳳樓見之問誰所居恭順侯吳瑾謬對曰此必王府帝曰
非也瑾曰非王府誰敢僭踰若此帝領之石亨傳

天順二年言官劾尙書陳汝言僭居駙馬第宅私役工匠

千餘人造舍違式

春明夢餘錄

嘉靖二年七月壬午賜后父都督同知陳萬言第於西安門命工部營造工部言其地偏近宸居閱廣踰制宜裁其

半

實錄

武定侯郭勛欲得虎賁左衛以廣其第使指揮王琬等言衛湫隘不足居吏士而民郭順者願以宅易之順助家奴也其宅更湫隘給事中鄭一鵬張嵩劾勛以敝宅易公署驕縱罔上昔竇憲改沁水園卒以逆誅勛謀朝廷武衛其惡豈止憲比請正其罪

鄭一鵬傳

趙文華掌工部時上於西苑造新閣不以時告成一日登

高見西長安街有高夔問誰宅左右曰趙尙書新宅也旁
一人曰工部大木半爲文華作宅何暇營新閣上益愠文華
傳

明會要卷七十二終